

**MD 41**

**Metodološki dokument**

**ISSN 1840-1074**

# **BROJNO STANJE STOKE I STOČNA PROIZVODNJA**



**Bosna i Hercegovina**

**Agencija za statistiku  
Bosne i Hercegovine**

**Federalni zavod za statistiku  
Federacije  
Bosne i Hercegovine**

**Republika Srpska  
Republički zavod za statistiku**

**Sarajevo, 2015.**

**Izdaje:** Agencija za statistiku Bosne i Hercegovine,  
Zelenih beretki 26, 71000 Sarajevo,  
Bosna i Hercegovina  
**Telefon:** +387 33 91 19 11; **Telefaks:** +387 33 22 06 22  
**Elektronska pošta:** bhas@bhas.ba; **Internet stranica:** www.bhas.ba

**Odgovara:** Fadil Fatić, zamjenik direktora

**Podatke pripremili:** Fahrudin Subotić, Ljubiša Eskić - Agencija za statistiku BiH  
Fehrija Mehić, Elmina Ramić-Lukač - Federalni zavod za statistiku FBiH  
Lazo Šegrt, Nada Šobot - Republički zavod za statistiku RS

**Lektura:** Janja Jaković

**Dizajn i prelom:** Lejla Rakić Bekić

**Molimo korisnike Publikacije da prilikom upotrebe podataka obavezno navedu izvor.**

## Sadržaj

<b>PRAVNI OSNOV</b> .....	4
<b>METODOLOŠKA OSNOVA</b> .....	4
Jedinice posmatranja.....	4
Obuhvat istraživanja .....	4
Način i vrijeme prikupljanja podataka.....	4
Obaveza zaštite ličnih podataka .....	5
<b>DEFINICIJE I OBJAŠNJENJA</b> .....	5
Osnovni pojmovi.....	5
Nivo objave podataka.....	6
<b>ORGANIZACIJA ISTRAŽIVANJA</b> .....	6
Organi za provođenje istraživanja.....	6
Obrada i objavljivanje prikupljenih statističkih podataka .....	6
Obrasci.....	6

## **PRAVNI OSNOV**

Istraživanje se provodi od strane entitetskih statističkih zavoda: Federalnog zavoda za statistiku i Zavoda za statistiku Republike Srpske na osnovu Zakona o statistici u Federaciji BiH („Službene novine FBiH“, broj 63/03 i 9/09) i Zakona o statistici RS („Službeni glasnik RS“, broj 85/03). Kompilacija, agregiranje i međunarodno izvještavanje za nivo BiH je u nadležnosti Agencije za statistiku BiH u skladu sa Zakonom o statistici Bosne i Hercegovine („Službeni glasnik BiH“, broj 26/04 i 42/04).

## **METODOLOŠKA OSNOVA**

### ***Cilj i sadržaj istraživanja***

Cilj ovog istraživanja je da se prati kretanje brojnog stanja stoke i peradi kao i stočne proizvodnje na području Bosne i Hercegovine.

Prema UREDBI EVROPSKOG PARLAMENTA I VIJEĆA broj 1165/2008/EC od 19. novembra 2008, Agencija za statistiku Bosne i Hercegovine, u saradnji sa Federalnim zavodom za statistiku Federacije BiH i Republičkim zavodom za statistiku Republike Srpske, treba osigurati slijedeće:

- statističke podatke o brojnom stanju goveda, svinja, ovaca, koza, konja, peradi i pčelinjih košnica,
- bilans stanja goveda, svinja, ovaca, koza, konja i peradi,
- statističke podatke o stočnoj proizvodnji, odnosno proizvodnji mlijeka, vune, jaja i meda.

### ***Jedinice posmatranja***

Jedinice posmatranja za prikupljanje podataka su poljoprivredna gazdinstva kao pravna lica (poslovni subjekti i preduzetnici) i porodična poljoprivredna gazdinstva koja se bave stočarskom proizvodnjom.

### ***Obuhvat istraživanja***

Istraživanjem su obuhvaćeni svi poslovni subjekti i preduzetnici koji se bave uzgojem stoke, peradi i stočnom proizvodnjom.

Za porodična poljoprivredna gazdinstva su rađene procjene za svaku općinu u Bosni i Hercegovini.

### ***Način i vrijeme prikupljanja podataka***

Prikupljanje podataka u ovom istraživanju se odvija redovnim statističkim istraživanjem u decembru za izvještajnu godinu kako slijedi:

- za poslovne subjekte izvještajnom metodom pomoću obrasca na osnovu računovodstvenih podataka;
- za porodična poljoprivredna gazdinstva izvještajnom metodom na osnovu procjene općinskih procjenitelja koji koriste informacije od poljoprivrednih proizvođača, svoja zapažanja i druge administrativne i neadministrativne izvore podataka.

Federalni zavod za statistiku Federacije BiH i Republički zavod za statistiku Republike Srpske su obavezni da dostave podatke Agenciji za statistiku BiH do 20. marta naredne godine za prethodnu godinu.

## ***Obaveza zaštite ličnih podataka***

Informacije koje će se osigurati ovim istraživanjem će se koristiti samo u statističke svrhe i neće biti objavljene u javnosti. Zaštita individualnih podataka regulisana je Zakonom o statistici Bosne i Hercegovine ("Službeni glasnik BiH", broj 26/04 i 42/04), Zakon o statistici Federacije Bosne i Hercegovine ("Službeni glasnik", broj 63 / 03 i 9/09), Zakon o statistici ("Službeni glasnik RS", broj 85/03) i Zakon o zaštiti ličnih podataka ("Službeni glasnik BiH", broj 49/06).

## **DEFINICIJE I OBJAŠNJENJA**

### ***Osnovni pojmovi***

Slijedeće definicije i njihova pojašnjenja su u skladu sa UREDBOM EVROPSKOG PARLAMENTA I VIJEĆA broj 1165/2008/EC od 19. novembra 2008.

**Goveda:** ubrajaju se domaće životinje vrsta Bos taurus i Bubalus Bubalus.

**Mliječne krave:** krave čije se mlijeko uglavnom koristi za ljudsku upotrebu ili za preradu u mliječne proizvode. Zasušene krave su, takođe, uključene u ovu kategoriju.

**Ostale krave:** krave čije se mlijeko uglavnom koristi za ishranu teladi, bez obzira da li telad sišu mlijeko ili ga uzimaju sa ostalom hranom. Zasušene krave koje doje i radne krave se, takođe, uključuju u ovu kategoriju.

**Ovce i koze:** domaće životinje vrsta Ovis i Capra.

**Svinje:** domaće životinje vrste Sus.

**Perad:** grupa domaćih životinja, uključujući jednodnevne piliće i brojlere-Gallus, ćurke Meleagris - vrste, patke Anas - vrste, guske Anser - vrste, biserke Numida - vrste, prepelice Coturnix - vrste, nojevi Struthio camelus - vrste, fazani Phasianus - vrste.

**Konji:** su domaće životinje koje se najčešće koriste za rad, kao i za sport i rekreaciju, te spadaju u vrstu Equus caballus.

**Pčele:** su životinje (insekti) vrste Apis mellifera.

**Dodano kroz uzgoj:** Odnosi se na ukupan broj dobivenog živorođenog potomstva stoke i peradi (teladi, prasadi, janjadi, jaradi, ždrebad i piladi), bez obzira da li su neke jedinke prodane, zaklane ili uginule.

**Kupljeno:** Odnosi se na svu kupljenu stoku i perad (potomci i odrasli) od drugih pravnih lica ili preduzetnika, odnosno od porodičnih poljoprivrednih gazdinstava za uzgoj, tov ili klanje. Stoka kupljena van izvještajnih jedinica se ovdje ubraja, a prikupljeni podaci se prikazuju u broju i težini. Podatke o kupljenoj stoci koja se čuva na neko vrijeme treba unijeti u izvještaju kao podatke za vlastitu stoku.

**Prodano:** Odnosi se na svu prodanu stoku i perad bez obzira za dalju namjenu iste (uzgoj, klanje ili tov). Ovo, takođe, pokriva prodaje klaonicama, a podaci su prikazani u broju i težini. Kupljena stoka koja je odmah i prodana van izvještajne jedinice se ovdje ne ubraja.

**Zaklano:** Odnosi se na zaklanu stoku i perad na gazdinstvu. Podaci o zaklanoj stoci i peradi u klaonicama koje su dio izvještajnih jedinica, odnosno radi se o registrovanim klaonicama ovdje se ne ubrajaju, nego se ubrajaju u stavku Prodano.

**Uginulo:** Odnosi se na podatke o broju stoke i peradi (potomaka i odraslih jedinki) koja je uginula zbog zaraznih bolesti, iscrpljenosti, nesreće itd. Takođe i broj uginulih jedinki čije meso nije pogodno za ishranu ljudi, ubraja se ovdje.

### ***Nivo objave podataka***

Podaci se predstavljaju za nivo Bosne i Hercegovine, Federacije BiH, Republike Srpske i Brčko distrikta.

## **ORGANIZACIJA ISTRAŽIVANJA**

### ***Organi za provođenje istraživanja***

Organi koji učestvuju u pripremi i provođenju godišnjeg istraživanja o brojnom stanju stoke i stočnoj proizvodnji su Agencija za statistiku Bosne i Hercegovine, Federalni zavod za statistiku Federacije BiH i Republički zavod za statistiku Republike Srpske.

Agencija za statistiku Bosne i Hercegovine, u saradnji sa entitetskim zavodima za statistiku, određuje metodološke osnove, dizajnira obrasce i uputstva za njihovo popunjavanje, brine o efikasnom provođenju istraživanja, kontroliše i obrađuje podatke i priprema rezultate istraživanja za nivo Bosne i Hercegovine.

Prikupljanje podataka, kontrola, obrada i objavljivanje na entitetskom nivou je odgovornost entitetskih zavoda za statistiku.

### ***Obrada i objavljivanje prikupljenih statističkih podataka***

Nakon kontrole obuhvata izvještajnih jedinica i svih drugih matematičkih i logičkih kontrola, podaci se obrađuju i objavljuju za entitetski nivo od strane entitetskih statističkih institucija i prosljeđuju Agenciji za statistiku Bosne i Hercegovine. Rezultati iz godišnjeg istraživanja o brojnom stanju stoke i stočnoj proizvodnji se objavljuju u redovnim publikacijama.

### ***Obrasci***

Za provođenje godišnjeg istraživanja o brojnom stanju stoke i stočarskoj proizvodnji, koriste se dva obrasca i to jedan za poslovne subjekte (pravna lica koja se bave stočarskom proizvodnjom) i jedan za procjenu brojnog stanja stoke i stočne proizvodnje za nivo općina.